



الإساءة المتعلقة بالمهر

العنف أو الإساءة المتعلقة بالمهر ده يكون شكل من أشكال بتاعت عنف منزلي وعائلي.

عادات وتقاليد بتاعت المهر ممكن يكون مختلف بين الدول والثقافات.

"المهر" ده كلمة مقصود بيو قروش أو ممتلكات أو هدايا بتديو أسرة بتاعت المره للعريس لمن يحصل عرس. استخدام بتاع المهر ده ما يكون شكل من أشكال الإساءة.

لكن أي تصرف يكون فيو حاجة غصب أو عنف أو مضايقة متعلقة بالدفع أو الاستلام بتاع المهر في أي وقت قبل أو أثناء أو بعد الزواج كلام ده يكون شكل من أشكال الإساءة. الإساءات المتعلقة بالمهر بتحصل لما ناس يكذبو ويقولو نحن ما دفعو لينا مهر ويعملو مطالبات بالقوة عشان يشيلو قروش زيادة أو هدايا من العروس وأسرته بتاعتنا.

العنف المنزلي والعائلي دي جرائم بخالف القانون في أستراليا. وممكن الزول يعمل الجرائم دي يدخل السجن، لو كان راجل أو مره.

لو إنت أو أي زول بتعرفو اتعرضت للخطر اضرب تلفون للبوليس على الرقم ده 000.

ما تخاف من ناس البوليس في أستراليا، ناس ديل كويسين وممكن زول يثق فيهم طوالي.

لو انت داير معلومات وإستشارات سرية ومجانية إتصل بخدمة بتاعت 1800RESPECT على الرقم ده 1800 737 732.

لو انت محتاج مترجم بالمجان إتصل على رقم تلفون ده 131 450.

حكومة بتاعت أستراليا (Australian Government) ما بتتسامح مع العنف أو المضايقة المرتبطة بالمهر مهما كانت الظروف.

Australian Government بتتعامل بجديّة مع مشكلة بتاعت العنف الأسري، كلام ده يشمل العنف والمضايقة المرتبطة بالمهر. كل الناس الأستراليين عندهم الحق أنو يعيشو بدون عنف أو خوف أو غصب، مهما كان دين أو ثقافة بتاعتم.

العنف والمضايقة المرتبطة بالمهر ده يشمل تصرفات أو تهديدات الهدف منو يكون السيطرة على الشريك أو العائلة بتاعتو عن طريق التخويف أو التهديد لسلامة بتاعتم.

لو عندك تأشيرة، انت ممكن تلقى مساعدة.

الشريك بتاعك أو أفراد العائلة أو أي ناس تانيين في المجتمع ماممكن يهددو وضع بتاع التأشيرة حقتك.

انت لو عندك تأشيرة مؤقتة بتاعت الشريك (الفئة الفرعية 309 أو 820) أو تأشيرة بتاعت عرس مستقبلي (الفئة الفرعية 300) وحصل ليك عنف عائلي متعلق بالمهر، في أحكام بتاعت العنف العائلي في قوانين الهجرة الأسترالية تسمح ليك بالاستمرار في طلب بتاع تأشيرة الشريك الدائمة بتاعتك (الفئة الفرعية 100 أو 801).

ماممكن ناس يستخدمو المهر عشان يجبرو زول على العرس.

لو في زول استخدم المهر عشان يجبر زول على العرس بدون موافقة بتاعته الكاملة والحرّة، العرس كده إحتمال يكون عرس بالغصب.

في أستراليا، كل زول عنده حرية في اختيار هل هو داير يعرس، وزول بعرضو منو، وميتين يعرس. يكون كلام مخالف لقانون أستراليا لمن زول يجبر زول على العرس بالقوة أو يهددو أو يغشو عشان العرس. وبرضو يكون مخالف للقانون أنو الزول يشجع أو يساعد في تنظيم العرس بالغصب، وأنك تكون طرف في العرس بالغصب لو انت ما كنت الضحية. كلام ده بنطبق على العرس القانوني والثقافي والديني.

في خدمات بتراعي الثقافة بتاعت الزول في أستراليا ممكن تساعدك.

1800RESPECT هي خدمة وطنية للاستشارات المتعلقة بالاعتداء الجنسي والعنف المنزلي في أستراليا. خدمة دي بتقدم استشارات ومعلومات سرية بالمجان بالتلفون أو الانترنت. مستشارين ديل بستمعو ليك وبجاوبو على الأسئلة بتاعتك وممكن يحولوك إلى خدمات بتاعت دعم تانية في منطقتك المحلية.

اتصل برقم تلفون ده **1800 737 732** أو خُش في موقع انترنت بتاع **1800RESPECT** على **www.1800RESPECT.org.au**.
My Blue Sky هو الموقع الإلكتروني الأسترالي الوطني وخط المساعدة المخصص للوقاية من العرس بالغضب والمعلومات والإحالات والمشورة القانونية المجانية.

اتصل برقم تلفون ده **(02) 9514 8115**، أو رسل رسالة لرقم ده **0481 070 844**، أو رسل رسالة إلكترونية إلى **help@mybluesky.org.au**، أو خُش في موقع انترنت بتاع **My Blue Sky** على **www.mybluesky.org.au**.
لو انت داير معلومات زيادة عن العنف العائلي والتأثيرات والعرس بالغضب وتجارة البشر خُش في موقع انترنت بتاع وزارة الشؤون الداخلية (**Department of Home Affairs**) على العنوان **www.homeaffairs.gov.au** وفتش على "العرس بالغضب" "forced marriage".

هل انت محتاج لمترجم؟

اتصل بخدمة بتاعت الترجمة التحريرية والشفهية (**Translating and Interpreting Service (TIS)**) على الرقم **131 450**.
المترجم بتاع TIS ممكن يساعدك في الاتصال بالخدمات التانية، لكن TIS ما بتقدم استشارات. كل المكالمات بكون مجانية وسرية.